



UNIVERSITÄTS-
BIBLIOTHEK
PADERBORN

Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

V. An cœlum sit animatum.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

si cœlum aërum statuatur: imo hoc potius quadraret, si Paracelso igneum id esse concederemus. Nam cometæ non aëream, sed igneum potius quandam naturam præferunt. Quod enim tu è fumositatibus terrenis, etiam in aërem altissimum, quem intra ipsas resolutiores fidetur conineri vis, sublatiss., & illuc illuminatis, cometarum procreationem saluari posse existimas, ex una absurditate, & incongrua assumptione alteram stabilire incassum laboras, &c. Ita Tycho.

Quæres, quam certa sit hæc doctrina, de materia cœlorum. Respondet, cœlos & elementa non ex præexistente materia villa fuisse creatæ, tam certum est, quam cœlos omnes quoad substantiam, cum elementis omnibus, primo statim die ex nihilo à Deo fuisse creatos; quod licet non sit undequaque certum & exploratum; sat istamē firmiter ex scriptura probauimus dub. 2. Quod autem cœlum sydereum non constet natura vel materia elementari, probabilis solum est, non certū. Tamen si enim nulla ex scripturis suspectat ratio asservandi, cœlū ex materia, seu natura elementari constare, tamen nec ex scriptura, alioue vlo arguento, id ipsum firmiter refelli potest. Denique quod cœlum habeat materiam, plane à rebus sublunaribus diuersam, sub opinione solum adhuc versat; quanquam ei Peripateticorum sententia non parum fauet scriptura, ut dictum; tantum abest, vt aduersetur.

D V B I V M V.

An cœlum sit animatum.

S. Thom. I. p. q. 70. a. 3.

Habemus ex dictis dub. præcedente, cœlum esse corpus, & quidem simplex, atque ex nullo alio constitutum, sequitur, vt inquiramus, an sit animatum seu viuens: Et præponimus hanc quæstionem sequenti, de incorruptibilitate cœlorum. Nam si cœlos incorruptibilis statuamus, vix potest esse locus huic quæstioni, an cœlum sit animatum: cum omne corpus animatum, quia vegetatiuum est, corruptioni sit obnoxium; è contrario vero si inanime sit, non minus possit esse corruptibile, quam incorruptibile.

Nec de Aristotelis sententia hic disputamus, quem aliqui sibi persuadent, sensisse prorsus, cœlum esse animatum, & quidem prædignum anima rationali sive intelligentiæ, vt colligi videtur, ex eius lib. 2. de cœlo text. 13. & 61. & lib. 2. Metaph. text. 35. Atque hoc sane modo Aristotelem intelligit S. Thomas lib. 2. contra Gentiles c. 50. & in qq. disp. quest. de anima art. 8. ad tertium, & ex recentioribus Vasquez 1. part. quæstion. 183. post Simplicium, Philoponum, & alios; licet complures, in quibus ipse etiam S. Thomas 1. p. q. 70. a. 3. Aristotelem interpretentur de intelligentia non informant, sed assistente, ex 1. Phys. & l. 12. Metaph. quod Philosophis discutendum relinquimus.

Omissum igitur Aristotele, cœlos, aut sane sidera animata esse, docuerunt plerique Philosophi veteres; speciatim Pythagorai, Platonici, & plerique Aristotelici, ac Plato ipse in Epinomide, iubet, astra vt Deos coelestes colli & honorari; de quibus plura Eusebius de præparatione Euangelica lib. 1. c. 6. & Plutarchus lib. 1. de plac. Phil. cap. 17. & 23. Sed & Philo lib. de opificio mundi, item lib. de Somnijs, & rursum lib. de Gigantibus stellas & viuentes, & intelligentes esse docet. Idem docet Plinius libro 2. hist. nat. capit. 8. Adhac Auicenna cœlo, etiam Phantasiam sive sensum interiorem tribuit; cui Simplicius tres quoque sensus exteriores, tactum videlicet, visum, & auditum superaddit.

Ex Christianis vero (præter Marsilium Ficinum argumen. 10. dial. de leg. & Carpentario cap. 12. Platonicos.) Origenes tom. 1. comment. in Ioannem & lib. 1. peri archon capit. 7. stellas non solum docuit esse animatas, sed etiam virtutis & vitij capaces; Christumque proinde non solum pro peccatis hominum, sed etiam astrorum esse mortuum. Dubius olim de eadem re fuit Sanctus Augustinus lib. 2. de Genes. ad literam cap. 18. & in Enchiridio cap. 58. & lib. 1. Retractionum cap. 5. & 11. Quamuis enim lib. de immortalitate animæ capit. 15. & lib. 6. de Musica capit. 4. absolute pronunciarerit, ipsum etiam mundum esse animatum, & magnum quoddam animal, tamen hoc ipsum postea saltem velut incertum retrahit loc. cit. & alibi lib. 13. de ciuitate Dei cap. 16. contrarium indicat: vt & author libri de cognitione veræ vita cap. 6. tom. 9. operum Augustini, (cum tamen ipsius liber ille non sit) Platonis illara sententiam proflus damaat. Quia de causa etiam Bonaventura inferius censes, Augustinus retractasse eam sententiam, de cœlis animatis. Sed & Hieronymi sententia, hac in re perplexa esse videtur, vt fusè persequitur Ascanius Martinengus com. 2. in Genes. pag. 883. tamen si denique eam Origenis opinionem coarguat in epistolis ad Pammachium & Auitum.

Post hos eandem Platonicorum sententiam, cœlos nimurum & astra animata esse, probabilem existimauit è Scholasticis etiam Aureolus in 2. d. 14. quest. 2. art. 2. & quæstion. 3. articulo vnic. & apud Capreolum eadem distinct. fauentque eidem sententia non nihil Scotus 2. sentent. distinct. 14. quest. 1. & Caetanus in psalm. 135. Sed & Sanctus Thomas olim ambigue aut inconstantiter hac de re locutus ast. Animatum enim, esse cœlum, & quidem anima intelligentiæ, sancta, & omnis peccati ex diuina prædestinatio experte, quæ proinde etiam ad societatem Angelorum pertineat, affirmare videretur, qq. disputat. quest. de Anima art. 8. præcipue resp. ad 3. 4. & 5. & lib. 2. contra Gentiles capit. 70. & in opificulo de Angelis capit. 2. Negat autem, ac priorem adeo sententiam (quod optime notauit Caetanus 1. part. quest. 70. art. 3. & aperte constat ex his verbis Sancti Thomæ, quicquid

nonnulli dixerint) retrahat idem Sanctus Thomas 1. p. quest. 70. art. 3. Quia de causa etiam utramque partem probabiliter defendi posse, existimat Ferrariensis cit. cap. 70. cont. gent. De eadem re dubius est etiam Dionysius Carthusianus in 2. d. 14. q. 4.

Denique ex recentioribus Martinengus, in Genes. tom. 2. pag. 889. & sequenti, tametsi quidem Aucennæ & Simplicij sententiam, quæ astra sensilia affirmit, expliendam prosuas & rejeciendam pronunciet, Origenis vero, animas cœlorū ante mundum creatas, & adhuc peccabiles afferentis, merito damnet; de cætero tamen existimat, quæstionem hanc, num astra sunt anima rationali prædicta, neene, problema esse, neutrūm in via patrum, neutrāmque partem ab Ecclesia dāmmatam; idque etiam pag. 1018. absolute vocat, problema. Ac in eandem sententiam pag. 885. citat quoque Praeceptorem suum Vielium lect. 19. in Genes. Atque eo inclinant quoque nonnulli huius temporis Astrologi, ut astra animata esse existimant.

Expresse vero & absolute post Iulium Firmicum lib. 1. Met. cap. 3. Bellantium, aliosque apud Alexandrum de Angelis lib. 1. in Astrol. cap. 13. id docet Tycho Brahe epist ad Rottmannum. Anno 1590. 18. April. data, vbi ait: Verum hoc in celestib[us] cœlesti quodam, & longe viuaciore exquisitorum modo euemunt, quā in animalibus terrestribus vel aquoreis: cū & calum animatum esse, ipsaq[ue] cœlestia corpora animantia quædam cœli, vitali spiritu prædicta, non abs re sensisse videatur diuina illa platonicorum Philosophia.

Cæterum cœlos, siue astra animata non esse, communis est SS. Patrum doctrina, quam exprefse tradunt Basilius in Hexaem. homil. 3. Ambrosius lib. 2. cap. 4. Psellus ex Gregorio Nazianzeno orat. 38. & 42. Cyrillus lib. 1. contra Julianum, Lactantius lib. 2. diuinarum institutionum cap. 5. & 8. Chrysostomus hom. in Psal. 4. Procopius Cōment, in Genes. Optime Damascenus lib. 2. fid. Orth. cap. 6. Nullus, inquit, cœlos, aut spheræ animata esse existimet: anima quippe ac sensu carent. Eadem est communis Scholasticorum sententia apud Bonaventuram lib. 2. senient. dist. 14. omniumque, ferè recentiorum, speciatim Catharini in capit. 1. Genes. Pererij lib. 2. in Genes. q. 7. &c. Ex Philosophis idem sensit olim Anaxagoras, qui & propter eandem sententiam, accusante Cleonam, supplicio affectus fuit, teste Theodoreto lib. de materia & mundo.

Affirmatio I. Cœlum esse animatum, anima dunatax vegetativa, aut sensitiva dogma quidem est in Philosophia absurdum; sed fidei contrarium, non videtur. Prima pars est communis sanctorum Patrum & Scholasticorum; nam etiam qui ex ipso animam ei olim tribuere visi sunt, non vegetativa aut sensitivam, sed rationalem tribuerunt. Ratio est; tum quia cœlum est corpus simplex & similare, adeoque expers organorum ad vitæ munia obeunda necessariorū; tum quia nulla cœlo astrisque conuenit nutritio, nullumque alimentum; sine quo tamen nec augmentatio, nec generatio animistica, nec vita adeo vita actione vegetativa esse potest: sed nec sensitiva, quia

hec illam supponit. Et certe si tam vastum animal, quantum cœlum est, aut tam magnus animalium gressus, quantus est stellarum numerus, nutritur, brevi tempore totam reliquam mundi machinam, quam cœlum iam aurea quodammodo in ventre seu sinu gerit, absumeret.

Ratio secunda partis; quam itidem à nemine video negari, est, quia contrarium nec in scriptura sacra continetur, nec ex certa aliqua fidei traditione colligitur, nec ab Ecclesia vspiam definitum est, vt magis patebit ex probationibus conclusiois sequentis, quæ animam quidem rationalem seu intelligentem cœli valide euentur; sed non ita vegetatiuam aut sentientem. Accedit, quod hoc quæsumus parum ad Religionē faciat, sintne cœli, aut astra, prædicta anima solum vegetatiuam, aut sentientem.

Affirmatio II. Cœlum esse animatum anima rationali, siue intelligenti, erroneum in fide dogma est. Ita expresse docet & cenfet S. Bonaventura cit. d. 14. part. 1. a. 3. q. 2. vbi ait: Quidam Philosophi posuisse videntur, quid cœli haberent animas, & quid cœlum esset magnum animal, & quid moueretur a propria forma perfectiva, sicut mouetur animal; & hanc animam motricem posuerunt regi & dirigi à Deo, mediante intelligentia. Sed hoc positio falsa est & erronea. Idem sentunt Capreolus 2. distinct. 9. quest. 1. art. 1. & Gabriel in 2. dist. 14. quest. 1. Catharinus in cap. 1. Genes. & Pererij cit. lib. 2. in Genes. questio. 7. Eodemque modo cenfet Petrus Tarantulus apud Dionysium Carthusianum in 2. dist. 14. quest. 4. dum ait. Alij posuerunt, quod (cœlum) mouetur ab anima, dicentes corpora cœlestia animata, & animas eorum mouere ea; ut assimilentur intelligenti in productione inferiorum. Sed hoc propositio ex his erroneis; quoniam corpora cœlestia non sunt animata, cum non sint corpora organica, &c. Neque crediderunt, eam sententiam hodie ab S. Inquisitionis Praesidibus Romæ velut omni erroris suspicione carentem liberam esse permissem.

Probatur affermatio primo ex scriptura. Nam cap. 1. Genes. non solum catalogus rerum creatarum proponit, sed simul etiam ostenditur, quæ cuiusque creature sit ratio, quod minus, quis finis: & tamen ibi nihil vspiam de vita aut vitali actione, seu natura intelligenti cœli, aut astrorum legitur: Etenim versu 1. creasse dicitur Deus cœlum & terram, tanquam principia scilicet ac fundamenta totius mundi. Ver. 6. & 7. productum dicitur firmamentum, ut dividat aquas ab auras. Ver. 16. Icclisie De vs dicitur duo luminary & stellas, eaque posuisse in firmamento cœli, ut lucerent super terram, & praescient dei nocti, & dividenter lucem ac tenebras, ac essent in signa & tempora, &c. cum tamen vers. 12. 20. & 24. vbi de plantis & animalibus productis sermo est, eorum vita, ac vitales actiones minime taceantur.

Imo in tota serie creationis operum diuinorum, nullius vspiam substantie ac corporis intelligentis sit mentio, priusquam ad hominis creationem deueniatur; cuius ea specialis excellētia specialiter profopopeiā à Deo præsignificata est, cū diceret: Faciamus hominem ad imaginem & similitudinem

dinem nostram: quod planè etiam prius dictum oportebat, si cœlum quoque & astra, natura intelligentiæ, Dei imaginem ac similitudinem gerent. Similiter Deuteronomij 4. v. 19. astrorum non nisi ad ministerium hominis creata dicuntur; Ne forte elevatus oculus ad cœlum, video solem & lunam, & omnia astra cœli, & errore deceptus adores ea & colas, quæ creauit Dominus Deus tuus in ministerium cunctis gentibus, quæ sub cœlo sunt.

¹⁴ Secundo idem probatur ex communi sensu sanctorum Patrum & Doctorum, tam veterum, quam recentiorum. Licet enim, ut vidimus, olim pauci quidam dubitarint, aut seculi sacerdotes, multò tamen plures, ac ferè omnes constanter hanc sententiam defenderunt; nonnulli etiam ex doctissimis, quod in contrarium antea disputauerat, postea retractarunt, vt dicit Augustinus, & S. Thomas dictum. Certe si quæ ex definitione Ecclesiæ afferentur, perspecta habuissent, nunquam vtiq; rem hanc in dubium vocassent.

¹⁵ Tertio proinde idem probatur ex definitione Ecclesiæ. Nam in synodo Constantinopolitana secunda, quæ dici solet quinta synodus generalis, inter alios errores Origenis, etiam damnatus reperitur, apud Nicephorū lib. 17. cap. 28. Si quis dicit, cœlum & solem, & lunam & stellas, & aquas quæ supra cœlos sunt, animales quasdam esse & materiales virtutes, anathema sit. Siue ut alij referunt: si quis dicit, cœlum, lunam, stellas animantes quasdam esse seu animales virtutes, anathema sit. Idem testatur Iouerius in summa concilii Synodo Constantinopoli per virtutes animales, seu materiales, videntur intelligi substantia corporeæ intelligentes, cum tamen diuerso modo Angeli in scriptura, & ab Ecclesiæ virtutes dicantur. Et cap. 27. apud eundem Nicephorū inter alios Origenis errores in quinta synodo damnatos, refertur etiam iste: Adhac cœlum, solem, lunam, stellas, & aquas, quæ supra cœlos sunt, animatas & rationales quasdam virtutes esse. Sed & in noua editione Romana eiusdem synodi sub finem, per modum appendicis, refertur Epistola Iustiniani Imp. ad Mennam, in qua sub finem contra Origenem hic anathematism n. 6. legitur: Si quis dicit, cœlum, & solem, & lunam, & stellas, & aquas, quæ supra cœlos sunt, animatas & materiales esse quasdam virtutes, anathema sit: Eiusdemque epistola meminit Liberatus in Breuiario cap. 23. Et cum simul testetur, eandem postea approbatam fuisse à Vigilio Pontifice, non video, quia ratione etiam hodie ea sententia tuto defendi possit. Certe quæ ad damnationem Origenis pertinent, in editis Actis V. Synodi desiderari, notauit etiam Baroniū Anno 553.

¹⁶ Et ne quis existimet, id dogma damnari solum eo sensu, quod Origenes eiusmodi animas ante cœlum productas, ac postea primum cum astris fuisse copulatas dixerit; aduerendum est apud eundem Nicephorū, eodem cap. 27. hunc errorem Origenis, distinctè ac separatim ab alijs commemorari: Ante corpus ipsum anima est, quæ quidam in cœlis peccata commisit. Et per se notum est, cum aliqua propositione damnatur, eam vti iacet, in proprio verborum sensu accipientiam esse. Non ergo recte absolute dicitur, sententiam illam

de cœlis seu astris animatis, *nequam ab Ecclesiæ damnata esse*: esto fortasse res hæc, cum vnius Niciphorii & Liberati testimonio nitatur, necdum plane sit explorata & liquida. Accedit, quod in cap. Firmiter de sum. Trinit. & fid. Cathol. inter rationales creaturas, Angeli solum, & homines referuntur.

¹⁷ Quarto probatur ratione Theologica. Nam si cœli sive astra essent praedita anima rationali, seu intelligentiæ, tum ipsorum animæ aut essent in gratia, aut extra gratiam. Neutrū potest dici. Non primum; tum quia si in gratia essent, possent utique à nobis etiam coli aliquo cultu sacro seu religioso, qualis hominibus sanctis conuenit; hoc autem prorsus est illicitum, vt patet ex citato loco Deuteronomij 4. v. 19. & rursum c. 17. v. 2. vbi dicitur; [Cum repertifuerint apud te intravnam portarum tuarum, quas Dominus Deus tuus dabit tibi, vir aut mulier, qui faciunt malum in conspectu Domini Dei tui, & transgrediuntur pactum illius, vt vadant & seruant dijs alienis, & adorent eos, solem & lunam, & omnem militiam cœli, quæ non pracepi, & hoc tibi fuerit iuritatum, accedensque inquisitio diligenter, & verum esse repereris, & abominatio facta est in Israel, educes virum ac mulieram, qui rem sceleratissimam perpetrarunt ad portas ciuitatis tuæ, & lapidibus obruerunt.]

¹⁸ idem patet ex vsu ac sensu Ecclesiæ, quæ nunquam permisit, eiusmodi cultum astris deferri. Tum quia si stellarum animæ in gratia essent, aut beatæ iam essent, & tunc multo magis coli possent & inuocari, velut alij sancti: aut in via; & sic tam peccati, quam damnationis periculo forent obnoxiae; quod tamen non potest asseri, vt mox dicetur.

¹⁹ Nam nec secundum illud dici potest, eas nimur animas esse extra gratiam, ac in statu peccati; quia vel damnata iam forent; quod est absurdum, cum suas adhuc beneficas ac honorificas functiones in fulgido splendentique corpore erga mortales obeant, neque adeo loco damnatorum adhuc addicti sint: vel saltem possent damnari; quo autem quælo loco damnationis poenas, quæ condicione soluent? An cœli in infernum detrudentur, vt ibi cum spiritibus alijsque damnatis poenas exoluant? quando, saltem post extreum iudicium, ille solus erit locus damnatorum, vt ex Matth. 25. v. 41. colligitur. Dicere autem, locum beatitudinis, aut damnationis cœlorū, etiæ esse posse extra cœlū Empyreum, aut infernū, non bene admodum sonat: quando hic etiā vnuis quidam error Nouatorum nostri temporis est, cœlum & infernum esse vbique, nec dari adeo certum beatitudinis ac damnationis locum.

²⁰ Denique cum cœli & astra careant anima vegetativa & sensitiva, necessario etiam destituntur anima rationali seu intelligentiæ; vt pote quæ in corpore esse non potest sine vita vegetativa & sensitiva; quia seposita, nulla ratio est, cur anima rationalis corpus informet, quando ad intelligendum vel mouendum, per se corpora non indiget, vt recte etiam argumentatur sanctus Thomas i.p. loc. cit.

21 Neque vero opposita sententia yllum habet fundamentum. Quæ enim de cœlis Deum laudantibus; deque iniuratis ad audiendum, in scripturis dicuntur, ad propositopociam pertinet; ut & alia quam plurima eiusdem generis, quæ de terra, igne, grandine, niue, alijsue creaturis inanimatis in ijsdem scripturis sèpius leguntur. Quo spectat etiam illud Job 38. v. 7. Cum me laudarent simul astra matutina: nisi forsan hoc ad Angelos potius spectare videatur, ut quidam sentiunt. Cum tamen de Angelis, sub nomine filiorum Dei, postea pri-
mum fiat ibidem mentio.

22 Illud Baruch. 6. v. 59. Sol quidem & luna ac syde-
ra, cum sint splendida, & emissa ad uirtutes, obaudient,
intelligendum est de obedientia materiali, seu
executione eorum munerum, ad quæ, siue à Deo,
siue ab ipsa natura destinata fuerit; non secus,
quam quod ibidem dicitur v. 61. Et nubes, quibus
cum imperium fuerit à Deo, perambulare in uersum
orbem, perficiunt quod imperium est. Et rursus
v. 62. Igitur etiam missus de super, ut consumat montes &
fluvias, facit quod praeceptum est ei. Et psalm. 148.
versu 8. dicitur: Igitur, grande, nix, glacies, spiritus
procellarum, quæ faciunt verbum eius. Denique
ipse etiam astrorum chorus quandoque militia
cœli vocatur in scriptura Deut. 17. versu. 3. 4.
Reg. 17. vers. 16. & cap. 21. vers. 3. & 5. & cap.
23. vers. 4. & 5. Actor. 7. vers. 42. quia ad nu-
tum DEI præsto adest, ac sepe operationibus
suis contra hostes DEI mirabiliter pugnat,
&c.

23 Quares, et si astra quidem perse no sint animata.
anne tamen ab hominibus mortalē naturāque
vitam viuentibus incolantur, eo modo, quo apud Ciceronem lib. 4. qq. Academicarum Xenophanes olim affirmauit, habitari in luna, eamque esse
terram multarum urbium & montium. Et sane qui-
dem no desunt hac tempestate ex astronomis no-
nulli, quibus hoc videatur esse persuasum.

24 Verum ut breuiter dicam, quod sentio, plane
existimo, id sine temeritate dici non posse, non
solum quia nullum est eius tam nouæ & insolentis
assertionis fundamentum; sed etiam quia
multa sunt in scriptura ac fide nostra, cum
quibus ea opinatio non bene coharet. Nam
I. Genes. 1. vers. 6. & 17 longe aliud munus &
officium cœlis & astris à DEO assignatur,
quam vt sint mortalium hominum sedes ut di-
ctum.

II. Genes. 1. vers. 28. & cap. 2. v. 7. & capit. 3.
v. 23. legimus, hominem productum super ter-
ram, & de limo terræ, ac positum in paradiso &
ex eo postea eiectum, atque ad colendam terram
destinatum, sicque ex eo totum genus humanum
propagatum: in aliis vero hominem fuisse
aut primo creatum, aut deinceps positum, ruf-
quam legimus.

III. Deuteronomij 4. v. 19. astra dicuntur
fuisse creata in ministerium cunctis gentibus, que
sub cœlo sunt. Quod si etiam in iplis aliis sunt
nouæ quædam ac peregrinæ gentes, non his
tantum quæ sub cœlo sunt, sed illis utique etiam,
ac multo magis quidem, in ministerium crea-
tum debebant.

IV. Psal. 113. v. 16. Sola terra hominum ha-
bitationi assignatur, Cœlum cœli Domino, terram an-
tem dedit filii hominum.

V. Christus Salvator est omnium hominum, 1. ad Timoth. 4. vers. 20. qui omnes homines uult salu-
fieri, 1. Timoth. 2. vers. 4. nunquid etiam eos, qui astra inhabitant? At quos illi Apostolos ac prædicatores fidei habuerunt? Quod Bapti-
smi & Sacramentorum ministerium, sine quo, iuxta ordinariam DEI legem, non est salus?

VI. Actorum 17. v. 26. perspicue ait Apostolus, Fecitque ex uno omne genus hominum inhabitare super uniuersam faciem terre.

VII. Vna est Ecclesia, in qua etiam sanctorum est communio, ex Symbolo Apostolorum; quæ autem est communio cum ignotis illis astrorum seu lunc incolis? Omitto alia. Dixi tamen mortales naturalem vitam degentes illic nulos esse: quia ante Enoch & Elias, ab hoc mundo translati, diuino miraculo illic conseruentur, vitamque agant, non est huius loci disputare. Contentiunt his ea, quæ ad Annum Christi 748. referuntur apud Baronium, ubi error appellatur, Virgilio Presbytero falso attributus quod alius sit mundus, & alii homines sub terra sint, alius sol & luna. Et in margine dicitur: Plures statuisse mundos, diuina repugnat scripiisse; ac proinde heresis esse convincitur.

D V B I V M VI.

An cœlum sit corpus natura sua generabile & corruptibile?

S. Thom. 1. p. q. 66. a. 2.

Cœlum corpus esse natura sua generabile &
corruptibile, omnium Philosophorum, Ari-
stotele excepto, communis fuit sententia, speci-
atim Platoni, Heracliti, Empedoclis, Anaxagore,
Democriti, Stoicorum omnium & Epicureorum,
qui etiæ excepto Platone, cœlum quandoq; re ipsa
interitum dixerunt. Eadem videatur fuisse plu-
rium SS. Patrum sententia, qui non tantum do-
cuerunt, cœlos aliquando diuina vi post extremū
iudicij diem corrumpendos, ut scripturas varijs
in locis testari quæst. 11. videbimus; sed simili etiam
significant, eos natura sua esse corruptibiles;
hoc ipso, quod una cum plerisq; Philosophis do-
cuerunt, cœlos esse naturæ Elementaris, adeoq;
ex elementis uno pluribusue constare, ut dictum
quæstione 3. Quæ de causa etiam nonnulli aquas
supra cœlos collocatas fuisse dixerunt, ut eorum
incolumitatit tantisper esset consultum, ut dice-
tur q. 8.

Eandem sententiam indicat Magister in 2. dist.
14. & Dionysius Carthusianus in 2. dist. 14. q.
2. & aperte tradunt è recentioribus Catharinus
in Heb. 1. & in 2. Pet. 3. Hieronymus Magius
lib. 2. de exust. mundi, Franciscus Valelius lib.
de Phil. fac. cap. 89 Alphonsus Salmeron tomo
1. proleg. ultim. in 2. Pet. cap. 3. disputatione 4.
& Martinus de Rio in cap. 1. Genes. & quidam
aliij; non autem, ut putarunt nonnulli, omnes
illi, qui dixerunt, cœlum ex aquis aut elementis
produ-